

曼

谷九

亭

集

憶幼時從先大夫讀書偶命賦春草詩喜曰此子性情尙厚當可學詩十五歲補縣學生員以待漏院詩受知於學使新城陳先生繼任者當塗黃先生觀風歲科兩試俱承獎勵遂授以詩學先生嘗曰詩以言志言爲心聲若徒揣摩格律彫琢詞藻縱成結構終乏性情古人頌詩讀書必先知人論世蓋非學無以擴識非識無以範才至於窮通顯晦境遇各殊敦厚溫柔體要斯在則視乎其人之自得耳騫藻謹識斯語四十餘年學不加進時有吟詠輒多弃置比年養疴閒居始尋檢存稿略加編次自嘉慶十七年至咸豐四年致仕以前釐爲三十二卷詩之工拙不敢計惟藉是稍荅父師之訓紀生平閱歷歲月而已至恭和

宸章曾進奏御者謹仿前輩存詩之例別錄成卷不敢闌入私集復仇亭爲吾鄉古蹟曩讀顏氏家訓喜其奇字擬補築亭於方山爲退老讀書之地荏苒至今斯願未遂取以名集用志嚮往

咸豐六年歲次丙辰孟春之月壽陽祁鶴藻自記於宣武城南之勤學齋

履齋亭集目錄

卷一

古今體詩五十七首

嘉慶十七年歲在壬申至丁丑

卷二

古今體詩五十九首

丁丑至己卯

卷三

古今體詩五十五首

庚辰道光元年歲在辛巳

卷四

古今體詩六十八首

壬午

卷五

古今體詩六十九首

壬午

卷六

古今體詩五十一首

癸未

卷七

古今體詩五十三首

癸未甲申

卷八

古今體詩五十九首

甲申乙酉

卷九

古今體詩四十五首

乙酉

卷十

古今體詩四十九首

丙戌

卷十一

古今體詩三十六首

丙戌丁亥

卷十二

古今體詩四十一首

丁亥

卷十三

古今體詩四十三首

丁亥戊子

卷十四

古今體詩六十一首

戊子

卷十五

古今體詩四十七首

己丑

卷十六

古今體詩三十九首

庚寅

卷十七

古今體詩四十五首

庚寅辛卯

卷十八

古今體詩五十首

壬辰癸巳

卷十九

古今體詩二十九首

癸巳甲午

卷二十

古今體詩五十一首

甲午乙未

卷二十一

古今體詩四十首

乙未

卷二十二

古今體詩四十八首

丙申丁酉

卷二十三

古今體詩四十四首

丁酉

卷二十四

古今體詩五十四首

戊戌

卷二十五

古今體詩四十七首

戊戌己亥

卷二十六

古今體詩六十六首

庚子

卷二十七

古今體詩五十三首

辛丑至甲辰

卷二十八

古今體詩八十三首

乙巳丙午

卷二十九

古今體詩六十八首

丙午至己酉

卷三十

古今體詩六十三首

己酉

卷三十一

古今體詩四十四首

己酉庚戌

卷三十二

古今體詩四十三首

庚戌

咸豐元年歲在辛亥至甲寅

履齋亭集卷一

壽陽祁寯藻叔穎

古今體詩五十七首

嘉慶壬申
至丁丑

九日蘭州城上望河樓登高

崑崙虛接大荒西極目長空盡處低飛鳥似從銀漢落浮
橋眞與彩虹齊涼天佳節酬尊酒落日邊城靜鼓鼙不用
登臨更搔首青雲已躡謝公梯

孝女吟

日出扶桑東照耀天西陬西蜀有孝女余氏字酉州酉州
自有父負辜爲楚囚江漢不西歸一去八九秋酉州年十
一思親涕泗流上書走京國關山阻以修酉州亦有祖老

病徒悲憂傷哉無兄弟又無姊妹儔隻身數千里相從舅
氏劉生死不反顧蒼天呼悠悠一解問女何所訴問女何

所求女言父被誣顛末事有由博徒者譚某虎冠氣如牛
慷慨首發奸豈知倒戈矛母慟欲救父入都鳴冤讎歸途
斃靈石魂魄委荒溝女時方周晬耶孃面未謀卽今聞祖
言再拜哭啾啾祖老誰爲養母骨誰爲收父身如可贖九
死亦瞑眸二解理官具狀聞

聖主憐咨諫卽日貸久戍道路歎且謳蜀人聞女還奔走
觀不休西州今有父父歸祖乃瘳西州雖無母母死志已
酬生男不必喜生女不必愁今日見緹縈男子爲之差日
月之所照雨露無不周誰云卑弱質亦與和氣游三解

隴干道中聞滑縣事

癸酉九月二十四日

金湯萬里鞏河山蓮教何人敢逞頑豈有浮言能動眾況逢

聖主正思艱

時畿南旱災蠲租發賑

孤城路隔風煙外三郡師過枕

席間報道隴西精銳至將軍早晚下潼關

聞河南滑縣濬縣直隸東明長

垣山東定陶曹縣六邑俱被騷動那繹堂制軍自蘭州奉命總統軍務馳赴滑城

夜行

班馬夜蕭蕭邊城木葉凋軍裝曾未識鄉夢轉無寥落月
彈箏峽清霜折柳橋書生氣飛動投筆羨班超

初成進士忝與館選紀

恩述志二首

頻年負笈走風塵隴外歸來及早春兵氣已銷農事樂

去冬

大軍克復滑縣畿南肅清

文場初捷客懷新慙無瀛海探珠手恐有荆

山抱璞人自古通經期致用敢將雕篆負儒珍

瞻雲兩度覲

天顏

殿試前十卷例先引見

芸館叨陪玉筍班經世文章初涉獵

紉書歲月正寬閒簪花且博高堂笑舞綵行看故里還慙
媿龍門牛馬走一編可許繼名山

樂泉詩用昌黎山石詩韵

并序

泉在澄懷園張文恪公所濬鑿也嘉慶甲戌歲余初入詞館黃左田師招寓直廬暇輒徘徊泉上樂其幽

邃賦詩紀之

跳珠咽草泉聲微雨過石橋雛燕飛前溪荷葉三兩點戲
蓮下有錦鱗肥樂泉老人恣幽討山徑偈仄人蹤稀誅茅
罄井水甘冽棲遲不改衡門飢繪事流傳競題詠

三天麗藻連金扉老人一去數十載名泉蕪沒藏林霏阿
孫訪舊鐫短碣三尺綠苔濃陰圍洗硯忽驚月在手煎茶
不覺雲生衣余性亦有泉石癖攀躡奧曠如脫鞵扇湖在
懷園西千頃不足樂獨樂此泉倦忘歸

階前蜀葵爲風雨所折感作

秋葵號忠客亭亭燦金粟向日解傾心成陰知衛足戎葵
亦類葵託根產西蜀五色多變態千葉易繁縟茆舍竹籬
下隨地不擇沃自矜華藻盛門艷背晴旭一夜風雨狂媽

紅卧苔綠蓬麻強扶持
菅蒯甘踐辱不待秋霜至
零落當炎溽本無直節秉
終恐長鏡劒仰視團團葵
朱顏陰芳躅名實難假借
榮枯異妍俗寄語時花人
栽培當誰屬

與田季高

嵩年

晚登西岡眺湖山之勝

明霞照水水欲然
晴光倒射湖中天
斜風五兩吹淪漣
搖空白雨無定圓
醲酥膩溼紅羅
縣桃花疊浪空澄鮮
遙山一帶瘦且妍
勢疑渴鹿奔溪泉
雲衣低壓層峯巔
化爲萬丈長虹眠
樓臺出沒樹杪懸
時有飛鳥衝林煙
興來躡屐西岡前
車聲小住游人旋
天光水影一碧連
四圍暮色來蒼然
銀蟾窺鏡簧娥娟
把酒欲酌玻璃田

時六月望日

天公妬

我好事偏濃雲潑墨
雨腳穿荷花作檝藕
作船恨不中流

歌扣舷碧簫撼月人如仙

偕季高登湖中小嶼

結廬在湖西面對湖東嶼開門雨滿湖波光蕩容與杭葦
舟難招斷橋水易阻瞥見戴笠人垂竿立清激如問桃源
津可望不可處余性頗健游褰裳況有侶細草撥蒙茸仄
徑驚鳥鼠敲側數十步攀險躁毋許雲根卧淺涯安排若
柱礎此時雨初晴荷淨露華滑蘋藻水俱活薜蘿山欲語
蠟屐躡層巔兩袂輕颺舉登高一回首雙扉隔煙渚奇樹
不知名雜花無定所槎牙眾柏森摘葉香可煮土鬆踏易
潰苔滑行將阻凹凸爭險巖突怒相咀晤水靜游鱗躍潑
刺疑脫距空翠落鏡中倒影樓臺鉅夕陽下山背斜月出

林籟四圍暮色蒼蟬聲亂無緒撫景重徘徊衣涼薄難禦
惜哉此境幽荒穢無人去昔據亭榭勝今爲蛇虺沮何當
挾長鏡終日劬藤栢編籬補茅屋卽此容追暑

秋晚過溇沱河

策馬走溇沱橫橋水不波山川并塞近煙樹趙陵多野店
依沙草遙村出笠蓑蕪蕪亭畔路麥飯幾經過

書吳蓮洋徵君集後

先生餐霞客逸志長隱淪卜宅中條麓買田鄭谷濱玉溪
及王官千載遙相鄰養真耽要妙自許安期倫仙心雜禪
旨下筆超凡塵一朝鳳書降推轂來蒲輪英聲振赤縣長
揖謝華紳淋漓揮寶箠詎畏丞相瞋翩然歸故山猿鶴終

難馴足跡半天下交游多名人驛提

漁洋別號

老詩伯相士九

方歎一見頓傾蓋芥如有因始知龍門桐終異爨下薪

飄飄謫仙人白首甘食貧草堂舊梅竹搖落年年春河聲

與嶽色

徵君有河聲嶽色古銅印

終古留詩神

平定山中早行

千疊萬重峯斷連往來嵐氣相盤旋濛濛溼霧壓平地歷
歷疏星垂曉天泉響遠聞石澗罅日光先上松林巔蒼茫
指點向前路山鳥一聲啼碧煙

采棉行

采棉復采棉棉花滿秋田噴香裹粉白且鮮重如柳絮輕
如煙十五五采棉女褰裳來往花間語一摘盈一筐再

摘盈一筥盈筐盈筥摘未息當窗機杼鳴促織織成尺布
不上身且免米鹽乞旁人可憐辛勤僵十指半爲輸官半
鬻市市中車馬何踟躕清酒絲繩提玉壺貧家有女寒無
襦忍死不願雙明珠

保陽旅館送家竹軒項二兄奉使朔州

馬上相逢處愁顏且暫歡燕雲依日近朔雁向秋寒舊事
關心切他鄉會面難此行過壽水爲我報平安

送張文山之大名

人生如萍水合併能幾時復爲千里別送君當路歧我來
薊門北匹馬秋風疲解鞍動一顧握手如舊知裁君浣花
紙贈我瓊瑤詞滿座鎧燭光筆硯橫離披素心久共喻歡

會今方移仲冬苦寒天冰雪凝流澌莽莽古黃河去去將
何之飢驅在道路窮愁但工詩遙望黃金臺駮駟聯鑣馳
雄飛會有分丈夫能守雌但去勿復道努力慰所思

金城四憶詩

望河樓

危樓峩峩壓金城城下黃河如帶橫兩山夾水水倒立蒼
茫直走東南傾不知人間風浪惡落日憑欄望寥廓二十
四艘鐵鎖橋西來天馬揚金鑣

灌園

督署後
園名

屋下流水屋上山柳陰亭子疏籬環園丁種蔬綠畦徑雜
花生樹鳴禽閒曲折如入秦人洞辛勤不藉漢陰甕用力

既少成功多城外機輪能輓河園倚北城城外設水輪輓河水灌溉民田多受其利

五泉山

皋蘭城南三里許

龍尾山高插天銀河倒落山之巔噴珠漱玉滿林壑萬

家瑤草耕春煙

地產煙草

嫖姚鞭石石髓裂流水千年聲尚咽

相傳霍嫖姚擊匈奴至皋蘭山下以鞭拄地而泉出

城南修禊人在無袖中尚有飛

泉圖

蘭山書院

隴西自古多奇才羣山磊落川濼迴籌邊節度眞愛士賤

子亦復擔簦來當時龍門聲價重九郡諸生習絃誦

釋堂制府

振興書院捐俸增給諸生膏火遠郡畢至

東門祖帳一朝歸至今模楷西河違

先君子主講蘭山兩年別後諸生感教澤製西河模楷額懸於講堂

和余鐵香鼎夜坐

明月在高樹空庭生綠陰
幾人涼夜坐不起故園心
看劍情猶壯投膠契已深
論文一杯酒珍重爲知音

清遠軒曉起

涼棚捲夜雨曉起如秋新
簾靜鳥窺戶水清魚畏人
纖風動荷葉一瀉明珠珍
倚樹聽餘滴蕭蕭雲滿身

戰國策書後三首

治國如治屋取才如取木
舍短用其長小善率收錄
杞梓數尺朽詎貽梁棟辱
戰國少全才士風日以蹙
樗櫟雜瘳瘤大廈危將覆
苟變能將兵賢哉國之楨
柰何求賢主二
卯棄干城

鄒忌攬明鏡齊廷盈諫書王斗踵門來萬乘降階除高談
妾婦道侈陳狗馬娛乃能回顧盼得毋近挪揄一朝薦七
士髡也滑稽徒柴胡與桔梗所得何區區泱泱東海邦大
風日蕭疏上以利相求下以名自居鄒中有大儒浩然獨
嗟吁寂寥千載後惟見南陽廬

蘇秦初說秦慘澹書十陳裘敝黃金盡乃爲六國臣珠玉
錦繡中揚揚車馬塵張儀亦同學舌在卽懽欣縱橫門機
變翻覆徒糾紛豈有鬼谷子而與二生羣騷人懷故都其
志忠且勤將從彭咸居揮手謝靈氛大義昭日月青天抉
浮雲世無魯仲連誰識倉海君

讀漢書十八首

眈眈冥冥度曲遲唐山格變大風詩楚歌楚舞悲歡夜正
是房中織錦時

茫茫大澤夜聞雞兒女英雄意慘悽若使三侯屬三戶彭
城樂府出虞兮

乳虎威名磔鼠才冀黃心事轉成灰九章漢律分明在幾
見吞舟漏網來

賀錢竟作聘錢歸龍虎騰驤野雉飛直到一呼皆左袒呂
公應悔相人非

門雞走狗皆郎選鹽鐵金錢事屢興莫怪漢廷多酷吏宏
羊方作大農丞

紫色鼂聲事事新鰾魚風味劇酸辛若拋威斗持鉛槧亦

是揚劉一輩人

占驗紛紛屬子虛翻將經術笑迂疏京房枉學焦延壽漢
帝猶思董仲舒

文侯坐上鼓琴人身歷興亡百八春世上小兒誇骨董竇
公不及少君神

籀書未諷九千字堯典空餘十萬言不但鈔胥愁腕脫干
秋梨棗亦銜冤

誰道沙羨音夷似郁夷卻防獠于虬反國混緜虜好將地理方

言字譜作雙聲疊韻詩

啗秦容易說齊難枉費酈生口舌乾莫恨淮陰欺長者迺
公早已溺儒冠

奇計空勞李左車搏牛餞虎語何殊可憐刎頸交輕絕畢
竟成安是腐儒

諸呂誰爲推轂人一言胎禍到亾新田生儻亦田橫客豈

爲黃金苦費神

諸呂之王
萌於田生

生蒙識拔死遭謾應悔輕登拜將壇國士王孫千古淚報
恩容易受知難

不須白首歎爲郎賓客何人憶鄭莊刀筆公卿方得意故
應流涕到淮陽

終是英雄見不同不誅項伯斬丁公舊恩漫說鴻門劍誰
使杯羹免若翁

伊周事業夷齊節大義危言各凜然誰道將軍芒刺在一

時心悸兩延年

大司農田延年定廢昌邑王議
侍御史嚴延年劾霍光擅廢立

食肉無須食馬肝讀書知味古來難如何一曲驪駒奏老

卻東平博士官

有感

長安豪富慣驕人日日高軒醉錦茵豈謂鼠牙能速訟也
應象齒悔焚身陶朱愛子終亾楚郭解全家竟徙秦始信
二疏非老諄分將金帛與交親

秋來二首

秋來容易歎蹉跎銀漢無端也起波自是寒砧催雨急不
關高樹受風多亾羊幸免歧途泣射虎翻遭醉尉訶且對
青山消濁酒休將龜策問如何

漢廷詞賦有鄒枚千里遨遊亦壯哉
連幕驚風花落去柏梁失火燕飛來
書生投筆終何濟騷客悲秋只費才
聞道黃金求駿骨驂騑何事獨徘徊

十月二十一日出都留別彭荷邨

作邦

段篋軒

仲庚

田季高

嵩年

相逢纔幾日相送又成別
人生聚散蹤忽如鴻印雪
駕言辭京邑初冬氣凜烈
良友三四人念我行計決
餞我城南廬肴蔬雜羅列
一舉勸十觴但愧酒力劣
未飲心已醉將離情更切
願保金石姿無改歲寒節
感君故意長豫計歸來轍
西去陟太行雪滿車輪鐵

野店偶憩

人家三五竈，破屋補藜蒿。照水雞窺井，爭芻馬護槽。雪留雙屐淺，日擁半窗高。歲暮嗟行役，吾生何太勞。

策馬入太行山陘

丁年慕遠征，千里獨橫行。適野心逾壯，看山氣不平。斷沙迷馬跡，枯木聚鴉聲。短劍知吾意，腰間時一鳴。

客秋過獲鹿兪店壁題詩頗佳今無存矣感作

恐是高陽舊酒徒，狂歌不肯泣窮途。重來野店尋題壁，何處關門識棄繻。文字有靈青鏤管，姓名無分碧紗幘。塵封劍匣年年恨，令我徘徊心轉孤。

井陘河上懷古

傳聞背水戰，漢將氣飛騰。萬馬投鞭渡，孤城拔幟登。波清

惟見石溜急不成冰太息主孫去寒沙落日澄

白石嶺

傑閣憑虛壓斷鼇層峯疊嶂鑲周遭老僧孤立寺前石清
磬一聲山日高

望神山

壽陽城北

神山一何高蒼松一何古對面三十里了了青可觀雲煙
互揖讓岡巒爭拜舞傳聞東海中六鼇戴天柱蓬萊金翠
光萬丈波吞吐仙人袖其石飛來戲茲土墮地不可收神
工幻斤斧雖非巨靈擘儼作眾山主名山如名將特立誰
敢侮乃信淮陰侯羞與噲等伍

古槐歌爲南村周觀光

維新

秀才作

君家古槐何歲植枝幹槎枒卧牆脊牆低地狹樹當門七分樹影三分宅入門但見霜皮皴支離偃蹇如高人不肯折腰作嫵媚柴桑松菊真吾隣世間全材似此少二百年來風露飽新陰著地成蒼苔舊事關心問翠鳥我來正及春雪晴千樹萬樹銀花明豈無園桃與巷柳此樹婆娑偏有情西枝倒立曲而直疑向太華峯前識華岳寺周槐東枝危聳勢更奇縣山祠下曾見之郭有道祠前漢槐真花碎錦歛再觀煙霞草樹重牽思君家樹人如樹木父兄勤業兒孫續六十老人尙力耕五歲童子能誦讀槐兮槐兮時正長九柯十匠知爾良

春初獲鹿道上寄懷王明府

昔年王大令邀我宴琴堂一飯何論報斯人不可忘關山
勞舊夢風雨慣他鄉辛苦栽花手春來滿縣香

定州道中

定州城北多風沙浮空浩蕩天無涯十里五里汗奔馬三
點兩點迷飛鴉鴉飛尙有不到處馬蹄行盡沙中路彌漫
平地生雲煙隱約遙天見草樹天低地盡煙樹蒼回顧塔
影明斜陽春風二月狂似虎飛沙上城齊女牆我本燕趙
慷慨士往來西北五千里浮槎銀漢探支機杖策金臺控
騷馭曲陽城高嵐翠開盧奴沙水繞城回短衣躍馬男兒
事且向中山射獵來

城頭角

君不見漢家神馬金腰裏
電嘶風動塞草一朝玉勒承
主恩從此龍沙辭遠道
幽燕老將氣縱橫
仗劍曾爲萬里
征不知邊馬離鄉苦
請聽城頭畫角聲

復欲亭集卷二

壽陽祁寓藻叔穎

古今體詩五十九首

丁丑至
己卯

題向陽茅屋圖

弁序

向陽茅屋者阿文勤公少時讀書處也在楊坊塋側
乃文勤尊公藏書之所繹堂先生慨念舊澤繪圖徵
詩奉題六首

流水赴巨海行雲歸崇山萬物各有託人生重所先
巍巍高門第結廬出塵寰功多

主恩厚德遠家聲縣當其未遇時茅屋餘數椽讀書歷
昏曉不知車馬喧幽蘭在空谷無人常自妍
綉香佩秋草服

之彌歲年一朝被采擷蒲輪來田間感此坐歎息臨風懷
昔賢

步出城東門平原鬱蒼莽豐碑表汗墓斯人亦云往道旁
列環堵衡宇幽且敞借問蒞者誰彷彿親履杖春煖物先
榮地僻心自廣門前有大樹百年計培養

蠹魚但食字儒冠豈違時萬金營田宅不如借一瓠買書
貽子孫展卷得良師古人不可作高懷今世希

種秫五十畝栽桑三百株良苗被隴陌清陰生庭除興來
扶杖行把酒摘園蔬夕陽下山麓孤煙上村墟還家卻自
喜滿屋皆圖書

偃仄復偃仄云是先人築不惜築者苦但願來者續卜居

先擇鄰傳家豈擇屋朱門與錦堂託始惟一木一木成大
廈餘風行華族

我公萬民望身承五世澤居廬念慈訓繪圖思故宅春郊
多風雨一夜庭草碧此中如有人當窗坐瑤席回首見城
市勞勞何所役我家舊田園乃在壽水北十年九荒蕪何
日披榛棘

讀貨殖傳

大賈富一國中賈富一鄉小賈爭錐刀亦能充蓋藏哀哉
司馬公蠶室羅刑傷家貧罪莫贖著書悲激昂猛虎卧搖
尾豎子扼其吭不如著犢鼻耕牧河山陽蹲鴟辨地利陶
匏知器良俯仰何所迫全身慎自防把卷三歎息我心慨

以憝侏儒厭梁肉夷齊之糴糠天道惡盈滿貧富安有常
漢廷重心計乃用桑宏羊

擬儲光羲田家雜興四首

種苗南山麓苗長山亦腴力耕得餘暇時復勤樵漁歸途
見落日照耀槐與榆興來邀隣舍酌酒相歡呼今夕期盡
醉林外聞提壺

門巷少轍迹終日常閉關白雲逐幽鳥我心與之閑兒童
偶嬉笑出入桑麻間雨霽天氣清蒼翠來遠山山中有故
人欲往嗟路艱石磴危且滑扶筇勞躋攀何當逢赤松相
與開笑顏

富貴非可求無事且行樂平生幾兩屐足不到城郭黃雲

被秋隴豐年多所穫
盈倉有肥鼠野田無飢雀
裘馬彼何人風塵滿京洛
一朝意氣盡草木同彫落
不見東陵侯種瓜甘自薄

桃源有居民云是秦父老
漁舟偶然入回首失故道
雲樹紛回環山川互拱抱
浮家隱不孤避世貧亦好
黃綺亦高士商山采芝草
二者吾誰從拂衣須及早

種藤歌爲釋堂先生作

城南古藤我舊識五百年來抱
幽石東風連日不出城可
惜落花紅一尺昨宵涼雨驚
窗紗曉起滿院蟠龍蛇鬣影
鱗爪何紛拏恐是西山神
虬逞遊戲失勢一落誰能遮
或者四皓老不死偶扶赤杖
行到此衣冠面目與世殊
支離

偃蹇俱可喜主人愛爾手自栽長條宛轉來豐臺豐臺芍
藥大於盃千枝萬枝雲錦堆種花容易好種藤須及早松
竹喜相依風霜長自保朱闌碧檻高青林望爾丰茸成纒
陰莫將一例繁華眼孤負千年種植心

青槐吟社晚坐

宛宛朱藤倚綠槐涼雲深護小窗開花垣恰有玲瓏意放
過斜陽一道來

擬五雜組

五雜組縫裳線往復還營巢燕不得已秋風扇
五雜組織錦絲往復還回文詞不得已長別離
五雜組瀚海石往復還陽關役不得已雁懸帛

五雜組河中魚往復還陌上車不得已守田廬
五雜組侯門鯖往復還長安城不得已成虛名

雜詠八首

空記瓊嬈夢裏來書生福命讓仙才上清玉冊三千卷龍
虎當門不敢開

華闕朱堂耀紫宸仙官羽仗簇飛輪道逢一騎彈冠客知
是長楊諫獵人

風流放誕亦超羣酒肆琴臺傍夕曛到底名心消不盡千
金買得賦凌雲

辟穀延年術未工半生意氣誤雕弓俠腸艷貌全無用且
著青裙拜木公

不信神仙也愛名漢宮秋露泣金莖乘雲駕鹿來何事勞
爾中山衛叔卿

眉娘底事畫眉青南海明珠偶幻形一尺生綃情萬縷背
人空繡法華經

更無靈藥駐顏方玉宇瓊樓亦渺茫寄語黃姑莫灑淚天
邊何以慰參商

簾卷天高海水秋鍼風線雨不禁愁早知雲錦天孫妬悔
向深閨拜女牛

苦旱

都城久不雨炎天苦煩熱火雲熿驕陽氣挾焚柴烈維時
夏方仲麥秀已黃折農人汗禾土望澤急如渴西山來片

雲倏忽乾風掣豐隆殷不聞雷車走無轍我

皇躬禱祀闕殿鐘懸徹飛鳥斂赤馭潛蛟嬉幽穴須臾勢
傾盆流膏潤原垤

仁恩及郊甸歲美民心悅側身望鄉廬蕪穢耕久輟遙遙
千里外旱潦不可說爲客氣多阻謀生計轉拙草木異苑
枯溝水東西決安得歸田園荷鋤從飲啜

題安息齋圖

虛堂靜不喧景氣罨將夕涼雨漬庭陰綠暗苔無迹雜草
補修竹編籬隱峭石山中薜蘿人長年坐瑤席放眼雲笈
開聒耳風瓢擲撫此陶氏琴笑彼阮公屐得止一身安忘
機萬緣息余情亦澹蕩輪鞅厭游陟寸田尺宅中時時勤

拂拭常恐衣化緇風塵浩無極水靜養潛鱗林深棲倦翼
願讀金壺書從君學守默

生日感懷荅余鐵香

丁丑歲六月賤子客上都行年二十五及茲思懸弧羈旅
困于役歲月如奔駒常時忽不省此日云何吁強起著衣
履晨髮慵不梳同舍有余生招我具觴壺一舉再三勸苦
謝酒味麤欲飲且復休當筵重躊躇豈惜醉如泥亦非厭
嗷呼把酒前致辭賤子明區區憶昔少小日生長當天衢
先子宦京國居此城南隅四歲初識字開編得之無六歲
就家塾漸知讀父書十歲學作文欲語羞嚙嚙滿窗筆硯
列牆壁遭鴉塗阿姪稍已長嬉戲兩相愉十二能策騎隨

母歸鄉廬先子戍邊塞西去萬里餘出山三十載田園久
荒蕪舉室還入門蓬蒿滿庭除阿母呼兒前爲兒裁布襦
爲兒延師席爲兒課經畚流離雖構難絃誦不可疏十五
忝青衿十六叨廩儲明年邊戍歸骨肉重歡娛十八厠鄉
舉策駿陵修途十九游秦隴壯懷思棄繻黃河天上來華
岳爲之樞山川盪胸目俯仰盤以紆兩載氣磅礴辭賦慕
相如歸來試南宮文采儕鳳梧書名灑澹墨與宴斟醜醜
芸館許翺翔風雲方馳驅豈料滄海波靈椿遽摧枯倉卒
泣風木頻年歷崎嶇松楸事未了藜藿奉亦虛尙賴慈母
健衣線仍勤劬所媿爲人子不能慰倚閭飢驅迫道路有
口四方餽仰視林中鳥嗷嗷哺眾雛雛成各飛去銜食報

卒瘞柰何寸草心不及同巢鳥今爲涸轍鮒昔爲縱壑魚
今昔互變易年景何超踰回思卅總角突兀七尺軀修名
悉不立顧影增歎歔方今雲路關彈冠來于于慙非和氏
璧敢濫齊國竽濟時自有人豪俊勝腐儒行當謝征軼努
力事耕鋤新黍供夕饌晚菘摘秋蔬歡娛侍北堂豐年無
催租從此酌酒醴一飲三百觚及時弗愛日良辰忽已徂
余生聽我辭呼僮徹槃杆回手調素琴音響一何徐變作
秋風曲木葉零江湖蕭條不忍聽客心愁正孤

觀明蒲城令忠烈朱公遺像

公諱一統號霞淑平定州人聞賊陷蒲城抱印

投井而死

馬豎豬奴競揭竿壞雲摧陣大星寒死生何事論資格城危

日或諷之去公曰此事豈似吏部堂上論資格耶保障如公迫彈丸千里書回雙

鬢白一泓水冷寸心丹

公在園中二親寄書諭之曰死爲上去次之公得書曰兒知所從事

矣連城多半降旗出始見孤忠抗節難

披圖再拜凜冰霜風骨端疑百鍊剛勝國衣冠存士氣當年姓氏媿天潢鐵鐙已滅鯨鯢骸青簡長爭日月光豈獨感恩秦父老萬家醞酒奠椒漿

舍後丁香初開

三年不見此花開每爲離愁減酒杯深院無人春易盡故園今日客歸來枝橫仄徑消殘雪影動低牆鎖舊苔最是如醒如醉態一回相賞一徘徊

村南晚眺

帶雨山光空潑翠，綠溪樹色晚浮煙。回頭不辨來時路，萬疊垂楊綠到天。

北寺題壁

孤寺鐘聲起暮煙，紅牆一道綠陰圓。舊游忽記題詩處，花落苔深又十年。

山村夜雨

山村寂歷夜深清，夢醒涼雲枕簟生。二百人家燈火裏，一時齊聽灑窗聲。

種松歌

方山山人煙霞徒手植，飛節三千株。

方山頂松明維官所植，今偁維善人。天

風落子滿巖谷，至今蒼翠成畫圖。霜皮黛色龍鍾老，世間

未許探鱗爪野火晴疑霹靂飛空潭夜有蛟虬繞自昔意
氣矜華年蠟屐徑造層峯巔穿林越澗窮鳥道擣捷力爭
猿猱先是時六月新雨霽石磴幽滑苔紋細須臾巖腹嵌
冰輪波濤萬頃翻水銀陰厓慄慄下無地亂葉森森上有
人夢回仙徑無緣入茯苓香凍靈脂泣支離底事重相逢
三尺綠雲壓肩溼松兮松兮非凡材移根且向北原栽世
人棄爾如薪柴凌霄枝幹須豐培故山鸞鶴應歸來

詠懷六首

太虛本無形積氣成天地不知天地外何物聚此氣風雷
何所起日星何所繫山海劃中外險夷孰位置芸生居其
間靈蠢奚相異化工運匠心天下如大器沿襲與變革緊

誰出神智天道遠難測渾蓋無二致聖人存不論莊列固
多事

登高望九州蒼茫縱遠目山川何奔放一往不可束泰嶽
忽卑小滄海渺如粟羲和鞭白日西入崦嵫谷野馬躡飛
景神龍銜靈燭浩蕩青冥開雲霞燦燦繁縟恍見洪濛初鍊
石勞補築乾坤一遽廬胡爲自局促龍伯釣巨鼈投竿仰
前躅

我讀高士傳抗懷希賢風長揖謝組綬屣羞王公矯如
峭壁立攀躋難追蹤上積太古雪凜冽無春冬人生貴有
用顯晦奚必同巢許滿四海何地置夔龍落落孤介衷聊
以矧愚蒙東門歎黃犬何如采紫茸

仙翁種松柏託根在高嶺松柏未成陰斯人逝已永流光
逐飄忽抱志靡所騁遙遙後代人撫此蒼翠影鶴鳴知夜
深露下惜衣冷大木須早植百年泛萍梗世無綏山桃空
羨丹砂井

南國有一士終年衣薜蘿形容苦憔悴江潭行吟哦云是
楚王孫長劍擁玉珂幽蘭易凋歇餘芳空巖阿黃金改顏
色眾女嫉秦娥取琴爲我彈洞庭秋始波冰弦操激楚宛
轉哀音多靈修不可見歲暮當如何

鳳鳥非凡鳥舉世知其祥羽儀曜丹穴文采輝朝陽矯矯
百尺桐蠹蠹千仞岡棲身擇珍木飲啄亦有常人間偶一
見史冊燦生光柰何卿雲輩飾詞工頌揚楚人炫山雉靈

禽已高翔坐使藩籬鷓紛紛爭稻梁

觀文信國公上包宏父劄子歌

西風撼撼撼窗紙方寸突兀五嶽起龍梭挂壁劍出匣英
采光芒難逼視惟公忠肝抱鐵石零燧斷札珍如綺壯夫
豈以雕蟲名心正筆正無偏倚是時宋祚日傾頽萬里投
鞭渡江水宰臣闕地起樓臺天子當軒賜弓矢紛紜爭議
舉國狂慷慨如公眾口毀書成再拜上宏父欲藉危言振
綱紀不然此身既不用束書儘可歸鄉里文山山水能娛
人何苦曉曉謀國是吁嗟乎四鎮之策棄如屣白手用兵
徒勞耳江潮三日去不同黃袍一綫孤舟艤復讐難覓子
房錐報主唯剩睢陽齒至今遺墨猶淋漓百鍊剛豈化繞

指君不見指南錄燕獄紀耿耿丹心照青史猶嫌史筆未
分明如公豈願黃冠死

公傳中黃冠數語殆出
王績翁意非公語也

題沈石田韓襄毅園林畫冊

儒將風流在官清俗事無小園一二畝垂柳兩三株妙解
觀魚樂閒描戲鴨圖平生氣飛動餘夢落江湖

初月隱高樹虛窗留晚煙秋風下紅葉落我酒杯前積水
涼生地行雲影在天舉頭一相問萬籟正蕭然

百尺青槐聳枝枝密影交路從何處轉門向此中敲掃石
身將隱投壺技未拋主人愛嘉樹烏鵲亦爭巢

家住藕絲鄉花香雜水香結茅臨淺渚移柳過低牆波動
雲痕活林深雨氣涼賣魚羞入市何用釣竿長

秋夜酌客

燭搖清燄杯浮綠花綻紅蕤月暈黃卻喜素心人共集一
天風露咽寒蟬

夜深簾影捲秋波話到鄉關感慨多爛醉狂吟猶不足相
看無柰月斜何

憶柳四首寄鐵香

走馬燕臺屬少年黃金消盡冶游天誰家樓閣春陰外幾
處簾櫳夕照邊飛絮漫空花作雪柔條縮地草如煙永豐
坊裏人安在回首風流一惘然

凝妝對影畫屏開心緒成絲費翦裁夢被流鶯纔喚起愁
隨羌笛又吹來歌塵繞柱驚華髮舞袖當筵惜酒杯何處

西南風最好班駝應悔繫草臺

王粲辭家賦遠遊西風腸斷灞陵秋滿林黃葉經霜落撲地紅塵逐水流疲馬躊躇斜渡口暮雅零亂古城頭不知萬縷千條思能抵離人幾許愁

將軍一去樹飄零彈指韶華不暫停遠浦斷橋南北路寒煙衰草短長亭征袍欲染羞無色寶劍重逢信有靈寄語江潭老司馬爲誰惆悵昔年青

黃寸園

足民

以明湖圖屬題懸壁間而月矣客有晉

卿欲奪海石之誚題以解嘲

寸園公子清且介一水不嫌十日晝酒酣示我明湖圖尺幅煙波浩無界城頭鵲華高於螺湖面漁篷小類芥臨水

樓閣互攢聚因風蒲柳相搖拜釣竿十丈何人垂破網一
堆隨處曬初觀石徑通盤紆細聽泉流動澎湃濟南江南
兩未見讀山谷詩余增喟惟有客心似頭垢日撩千篔篹仍
未快扁舟何意落吾手袖中東海收萬派歸來壁上雲亂
生卻對牀頭壺正挂曉起櫛髮坐移時夜闌翦燭看忘憊
自憐愛畫勝愛客不計負詩如負債借壁不歸意豪奪催
租未到妨興敗忽忽題句塞紙尾賦性疏懶君休怪

左田夫子壽詞四首

壽宇宏開祝華嵩近光特拜

主恩隆

螭坳地接三台上

鳳縉春生四字中

御賜額曰
養福增壽

宮錦乍傳蓮炬夜

禁城遙想玉珂風容臺新曳尚書履爭說

朝廷識鄭崇

凌雲兩賦獻丹梯弱冠蜚聲荷品題英譽早喧江上下壯
遊曾徧浙東西藍袍拾得身將隱絳帳歸來古與稽一代
清名動

君相碧山未合遂幽栖

公以朱文正公薦
召直南齋

古桑一本屋三椽畫境詩情憶舊緣愛客常時懸短榻籌
生無計到寒氈琴樽跌宕中年樂井曰勤劬內闔賢此日
華堂開畫錦齊眉眞羨地行仙

橫汾三載侍文茵薄宦依然杖履親廣廈已收天下士春

風先拂座中人且陪鸞鳳翱翔侶共祝夔龍強健身載酒
還容問奇字雲雷鍾鼎見精神

種香圖爲張師肇先生

錦標題

東軒先生如宛邱讀書萬卷老未休蒔花種樹當城陬門
巷清潔庭戶幽護堂九十健且道撰杖無事扶靈鳩飯餘
強步衣常摳瓠瓜抓棗兒童抔齋然一笑雙鬢髭芝蘭芽
茁桐枝抽先生綵服名不求卅載績學今方酬春風策騎
金臺遊披圖樂事誇朋儔我昔登堂奉金甌慈儀拜祝柳
與歐年來薄宦辭田疇白蕤綠葵食難謀吾鄉壽水何清
瀏粉榆日煖桑麻秋先生歸矣我獨留負米卻羨城東頭

復仇亭集卷三

壽陽祁騫藻叔穎

古今體詩五十五首

庚辰道光辛巳

春莫偕同年吳梅梁

傑吳仲雲

振振

遊城南諸蘭若

次仲雲韻

三月金臺花似海偶因出郭惜芳時到門已覺衣香透入
坐渾忘日影遲泥爪欲尋前度約塵心仍欠隔年詩林端
試聽提壺語苦勸春深酒莫辭

傾城車馬紛馳外晌午鐘魚欲動時寂寂柳陰垂地重沈
沈花事送春遲偷閒也抵煎茶樂

時值春開

好事還徵補襖詩

能就那園消夏否煙波艇子辦奚辭

去歲端陽借黃在軒

初民

可菴

足民

昆季集陶然亭

在軒作江亭歸思小幅未了今年午日重來可菴補

成持贈題詩紀之

高亭夕照邊一醉一陶然
綠酒仍佳節青山似去年
忽驚江上夢重補畫中緣
雁影吾真羨雙飛入遠天

感事

達人輕生業志士重苦心
捉襟見兩肘發篋猶孤吟
中庭植雞竿麥甕漂秋霖
爨煙滅三日僵臥雪在衾
柴桑乞食翁寓言非中忱
折腰尙不屑扣門乃肯尋
挽衣杜老樂食粥顏公任愷
崇門豪富珠玉災相侵
銅山速飢餓牛衣且纓簪
物理互倚伏人事徒升沈
幾見訶宅迦鍊鐵爲黃金

椿蔭軒消夏分韻得北字

吟情與游情隨境無定式當其乘興來汗漫不可極山川
盪襟袖風雨灑牋墨始知載酒樂不畏催租逼冷官例窮
蹇文章乃吾職良友六七人結廬城南北問水時並櫂看
花每聯軾吳君今詩豪當暑會客食酒酣舉觴政請各抒
胸臆鬪題騁妍思麈句爭巧力筆硯雜羅列軒窗恣偃息
長安豪貴多涼堂啟華闕繁歌裂銀箏芳讌膾金鯽高才
羞噤喘壯夫恥雕刻君看鳳雛喙豈若蛩啾啾俯仰聊自
笑得失難豫識一醉消永晝頭上雲陰黑

宣德銅盤歌

弁序

盤式方周圍各三寸許中款正書御製錦堂春詞云

映日穠花旖旎紫風細柳輕盈游絲千尺重門靜金
鳴午煙清戲蝶渾如有意啼鶯還似多情游人來往
知多少歌吹散春聲未識云宣德七年正月十五日
按皇明通紀永樂十年元宵聽臣民赴午門觀鰲山
三日自是歲以爲常上御午門示御製使儒臣和觀
詞末二語知宣廟時仍沿舊例銅盤不知何用詞有
金鴨午煙之句意當時內府然鑪承香之具歟同年
吳仲雲出示索賦因并記之

鑄銅作盤如方池四角旋折中央垂工良質美出內府錦
堂一闕鐫春詞詞尾九字具款識云是宣德七年元夕之
所遺前朝佳節例不禁鳳闕縱令臣民嬉萬姓踏歌逐明

月九重負宸裁新詩穠花細柳漾風日雲章摹繪騰暄曦
當時此盤供御讌應與金猊寶鴨左右相陳施兩宮慈孝
天下知手執大圭朝四夷垂裳十載萬幾理小物且復勤
文思縹霞金彩仿倭漆硃碗紅杯誇宋藝彝鑑燕香製更
古鎔煉火色無纖疵宮中幽圖揭殿壁玩志往往銘盤匱
乃知斯物遭逢亦有時不似嘉靖之玉印但以蘸章符籙
祈神釐餞金御斧流傳逮熹廟代斲乃隳堂構基我欲以
銅爲古鑑置之座右比器歆不見湯盤孔鼎前代有述作
今無其器存其辭

題仲雲所藏陸日爲

鳴

棧道圖

天以山水作圖畫赤縣一紙鋪塵界蠶叢魚鳧闕奇格鬼

斧神工逞狡獪畫工巧奪造物忌
縋鑿幽險驚脫械褒斜
鳥道矗千里石樓梯天天亦隘大江奔流去不還古火燒
痕今尙壞裏瓊行人小於蠟插崖亂木紛如蠶捫參歷井
仰長歎猿叫鵲啼吁可誠空堂暑雨鳴簷鈴展卷秋毫認
烽砦近代丹青推陸癡當時筆墨壓嚴怪驢背詩人劍門
客年少遠遊氣豪邁歸來意境頓超突收取雲巒入馨欬
更從何處得此本覓句呼朋同一快雪峯舊圖搜宋譜驟
綱妙繪分唐派坐中王褒亦蜀人便思翦燭從君話
謂王蓮洲

驟雨次陳小石

蘭瑞
韵

萬樹團雲成一碧傾盆倒峽勢相并也知急響無終日且
聽寒泉屋上鳴

題黃樹齋

晉滋

游廬五少圖

匡廬瀑布天下妙，簾影鑪香夢難到。名山老願幾人酬，何
況同遊盡年少。五君艾李，余徐黃黃，君氣宇尤清峭。金臺
握手出此圖，一紙煙雲想真貌。峯橫嶺側畫不得，攝取山
光入湖櫂。天低似礙屏，風張路絕如懸石。梁倒萬條雪，練
龍怒飛一夜腥。風虎驚嘯遙知登，高盪心目尺吳寸。楚歸
憑眺愛山我，亦少年客眉宇局促籠紗帽。雲中五老遠撫
掌，白髮朱顏應大笑。連朝兩讀廬山謠，頃吳蘭雪舍人亦示余遊廬山詩

幸喜山靈暗相召，青鞵布韞儻可辦。他日從君陟仙嶠，

偕吳梅梁、王蘭卿、李葆初、吳仲雲泛舟二閘，用徐階

詩柳陰催繫纜，句分韻得陰字。

輭紅十丈天街深客衣日日風埃侵扁舟歎然落吾手乘
興似脫籠中禽白浮山名幾疊山意遠綠淨一片天光沉仙
侶開尊出野榼老漁收網依叢林窺欄鼻鴨足閒意夾岸
蘆葦生秋陰路轉參差見帘市石梁橫鎖長河潯飛濤銀
箭落天上勢疑瀑布懸危岑傑閣登臨極清迥鏡波蕩影
空人心江鄉風景我未識把酒喜對杭州襟漢津南望通
析木浮海直欲操牙琴歸途紆徐戀汀渚臥聽澎湃來帷
衾釣游卻憶兒童樂廿載歲月奔駒駸君如有意期後約
荻花楓葉重相尋

同人泛舟賦詩唯纜韻頗狹雨中獨坐拈此破寂

溼雲壓城西潑墨林容暗連朝暑漸深一雨秋來暫在礎

生飛瀑檐溜響空甌只愁屋作舟難買花盈擔官閒劇愛
客飢渴思飲啖佳帖輒共撫舊書時對勘人嗤漂麥迂我
媿吹竽濫披箋誦君詩坐想襟懷澹琴箏互酬荅推敲猶
再三高吟良足樂勝遊誠不憾相從苦泥淖欲覓青絲纜
庚辰六月晦立秋劉青園師陸招偕何玉民田季高
陪左田師納涼崇效寺重展青松紅杏畫卷次左田

師韵

一官冷若楞伽僧手板謁人病未能焚柴天氣苦炎熱深
夜露坐清晨興雨餘蛙蛤吠陂水門外禾黍扶田塍客來
憇我過竹院如脫火織衣霜繪問字幾人被岑寂納涼半
日除歎烝祗愁酒律遭佛戒枯腸茁角時騰陵看花却憶

去年事空堂聽履聲登登鼠姑萬朵香爛漫文梓雙幹陰
清澄重尋古寺餞殘暑低葵疏蓼秋花凝惟有青松與紅
杏摩挲畫卷情難勝倚樹老人撚鬚笑龕中歲月傳千鐙
吾儕衣鉢今有託藉湜幸免韓門憎壯遊山水我更羨玉
將有木蘭之行秀語寒餓人將懲閭黎有意工閱客展卷苦道題
名會

送何玉民

耿繩

從左田師秋扈木蘭

蘭塞風高擁翠微周陞遙指十三圍羨君騎馬秋山路紅
葉叢中看雪飛

拜賜

天庖盡舉杯重陽時節

六龍回青城風雨皇姑塔便作行人戲馬臺

草香泉冷漾澄虛山色玲瓏畫不如塞上歸來說風味梨
花春酒柳根魚

聞道浮屠剩舊基苔痕半截雨離披獵場恐有鐫功字好
向荒城覓斷碑

黃寸園寫贈雙駿圖

溼雲壓屋苔封徑一雨三日愁坐聽城南羸驂苦奔走碾
渦深沒泥重脛君應笑我出無車尺幅驂騮寫相贈知己
豈因戀芻秣雄心未肯隨鞍轡年來客情殊倦遊對此明
窗動豪興黃金臺高秋風起珊鞭玉勒誇超乘買骨能教
聲價增畫肉忍使皮毛勝君看二馬孰最良試籥浮雲資

控磬

七月五日約吳蘭雪丈內兄陳伯芝小石晚香書庭
敬夫內姪福茲稻孫集陶然亭

今年伏熱秋轉增矮屋如甌身沸烝偶因逃暑入深寺酒
腸約束遭枯僧歸來窗底自斟酌對影兀兀思良朋城南
亭子頗高敞葦岸綠淨魚可罾車如野航泛水過客逐飛
鳥穿林升東鄉先生氣豪邁太邱諸子神軒騰舉杯一笑
看落日歷歷遠岫橫欄憑昨臨江亭寫江水更乞妙句題
賤繪蘭丈昨爲余題江亭圖秋風幾日促鄉思有魚不歸慙季鷹時伯芝將南歸人生隨地足行樂拄腹萬卷尤峻嶒君看鄭公亦善
飲辦香千載仍豆豉是日同人爲鄭康成作生日亦置酒於此箋詩誰謂不風

雅墨守何須分愛憎
隔離呼客且相勸
陶然共醉吾差能
得家書

拜別經三月開緘抵萬金
遠勞慈母訓歡聽故鄉音
迢遞田園夢團欒兒女心
秋來問衣線白髮可勝簪

吾兄能養志薄宦轉離家
媿我紬金匱輸君侍絳紗
談經

逢許慎問字有侯芭

聞許蓮西來館

莫爲墨花惜新蘭盼茁芽

三兄

近失釋女

弱弟吾尤戀相違動隔年
持家還賴汝力學要承先
莫忘詩筒寄應期腹笥便
數升虞廩米秋穫亦歡然
有妹言歸賦相依慰老親
頻年多聚散盡室剩清貧
截髮姑持節擔書壻倚人
陽泉佳氣在門戶望重新

有懷三首

祭酒通經士無雙品譽馳交深言必盡才大遇偏遲玉借
磨礪貴花經組織奇萬言方倚馬未肯傍階墀

許蓮西
孝廉

兩載離羣久襟期近若何聞君談尙健憶我夢偏多負米

貧非病研經志未磨門前老槐樹秋影想婆娑

周觀光
秀才

燕臺留一載風雨每連牀歸路黃金盡雄心寶劍長養材
備梁棟報國恃文章豈有驛驢質鹽車阻太行

家步
衛兄

珠隱齋夜坐

城南小築俯青疇恰喜移家得地幽雨漲陂塘添蛤吠夜
涼庭院已螢流出門但恐輪生角脫帽時妨屋打頭何幸
六街揮汗地北窗容我占先秋

簡寸園

歲月眞如赴壑蛇，秋風三載住京華。
書殘蠹借塵中字，窗破蜂貪几上花。
過眼雲煙成汗漫，撐腸竹石轉槎枒。
閒攜畫幰從君乞美酒，鄰翁近可賒。

寄荅許蓮西

長庚

千里吟箋手自披，披箋正是憶君時。
曉來竹屋聲聲雪，撥盡寒灰爲讀詩。

題鄭雲麓同年

開禧

荆庭聚慶圖，用東坡馬上寄子

由詩韵

荆花織門紅，突兀春來競。
向龍溪發燕臺，南望六千里青。
山笑人何落，寔瓦屋三間風雨。
隔輭塵，竟日車輪沒。竭來

天寒翠袖薄夢踏綠蘿菴下月雁行憶爾兄弟樂促膝如
聞話酸惻朱闌白石幾年別池草園禽境超忽客遊鴻爪
感今昔絃柱何勞歌錦瑟請看一幅對牀人不羨中朝台
鼎職

天寒歲莫積雪在庭寸園扣門過訪圍鑪煮茗出矮
紙拉雜寫之以當餞歲卽題卷尾六首

無端刺促走車塵三度燕臺爛漫春堪笑書齋無長物憑
君彩筆爲翻新

新賜官錢出水衡

明年辛巳爲
道光初元

捧來天上日華晴書生福

命元非薄身歷

三朝見泰平

我生之初
歲在癸丑

年頭歲尾忽忽過光景真如赴壑蛇羨爾醉翁長不倒朱
顏偈僮坐春花

斷帖殘編未忍拋冬鑪夏箠總堪嘲柴荆竟日無人扣不
用驅雞上樹梢

美酒餘杭誰兌得橘香筍嫩佐嘉蔬就中鄉味吾能說文
水蒲萄保德魚

卻憶茆檐飯熟時區區春磨費支持媿無陶侃留賓酒聊
當坡翁饋歲詩

此卷仿壹齋師武昌餞歲圖長丈餘點染絕佳後十年
余以省親歸里忽遽失之可惜

自記

除夕

爆竹無聲門尚開吟詩不覺歲華催
寂寥深巷青燈下猶有鄰人乞字來

辛巳三月朔日蒙

恩入直

南書房恭紀

史館編纂職仙班侍從行仰窺

堯舜典已近

日星光特達

恩尤重深慙學未遑祕書應許讀
染翰捧

天章

初入直廬呈程雲芬前輩

恩澤

香案清班近

紫宸承

恩授簡兩詞臣

同日奉命入直恭和
太液春泛詩均蒙恩賚

廣歌幸際

重華世涵泳初游

太液春敢道文章能報國竊思砥厲勉修身澤州興縣風

規在桑梓還慙步後塵

君以吾鄉陳文貞
孫文定兩公相勗

秋雨退直簡城南諸同年

秋霖警深夜曉起涼滿衣驅車犯泥塗天光正熹微鄰舍
門未闕市塵人尙稀迢遙城南路寒漲侵石磯峩峩

雙鳳闕觚棱何崔巍影纓列栢舍羽衛集攸飛繫余性樗
散薄宦遊京圻無端鶴乘軒頗媿鷗忘機舊雨渺何許日

高猶掩扉毋乃謝逋客山靈聳嘲譏

九日壹齋夫子招同張詩舫劉青園何玉民田季高

集十刹海

賜第觀吳文定

寬

足潘邠老滿城風雨

近重陽句詩卷次韻四首

滿城風雨近重陽偏喜秋晴日照堂地闢新居初拜

賜家封舊釀許同嘗移來砌竹仍含翠嬾到籬花未肯黃

一笑飢盤薦嘉果芳名認得綠衣郎

滿城風雨近重陽憶昔分牋坐北堂一幅名圖重展玩十

年宦味更親嘗逢人漫說簪花艷有手惟應擘蟹黃何幸

盛筵東閣預年年此會伴諸郎

滿城風雨近重陽今歲輕寒未入堂

王脩己九日詩
寒氣初入堂

射策

從人錦標奪題詩
魏我棗餠嘗雁邊
天遠霜初白
江上秋深葉未黃
聞說高臺方戲馬
敦弓新試羽林郎

滿城風雨近重陽
瀟灑居然綠野堂

公退清閒如致仕酒餘歡適似還鄉公聽

事聯語也

公退放懷詩更好
秋來開口笑何嘗
出門便覺飛塵

浣歸路猶餘夕照
黃回首煙波十剎海
釣竿真欲借漁郎

秋曉入直

紛紛涼月白如煙
喔喔雞號欲曙天
萬戶葛騰濃睡裏有

人羸馬過門前

賜哈密瓜恭紀

嘉瓜種出伊吾
盧快馬明駝達

帝都敞關納賚七千里
計畝開田一萬區
土宜祇合

天廚供何幸分甘到侍從沙磧涵濡

大化深雕盤拜舞

恩暉重

小臣

本自田闕來弱冠曾從隴上回親向花門問

果種遙憑雉堞望龍堆

蘭州城上有籌邊樓

龍堆遠鎮邊疆地軍衛

屯田漢唐置爭說名王下馬山誰尋降將題碑字一自

先皇奏武功萬年耕鑿安羌戎西來戍卒瓜期代東去河

流瓜蔓通行人安穩居人樂引水分畦徧村落俗厚應無

納履嫌種成亦有如墉穫黃金碧玉好皮瓠飽啖曾聞餅

作囊

回民以餽裹瓜食之謂之瓜囊

仙棗豈因方士進野芹先願

至尊嘗尚方玉食羅千品小物登筵知歲稔絺巾削出鎮

心涼絲籠開來愁齒噤人言五堡接瓜州筐篚遙通西海

頭不用詞臣賦盧橘空勞槎使致安榴

冬夜月下三首

涼飈響庭樹落葉空蒼苔明月不可埽清光排闥來攬衣
步階除天高淨纖埃鄰柝聲未已良夜方悠哉

良夜一何清佳月一何明初冬氣似秋月亦如有情悄然
羣動息百慮爲之平孤吟自酬荅坐見星斗橫

星橫月已斜出門將何之羸馬不施韁敝車仍舉帷雞鳴
度重闔萬瓦寒琉璃似聞抱關笑僕僕君奚爲

井西書屋消寒雅集題赭鱸冰魚蠟梅畫卷

龍江赭鱸世罕有不數細鱗與巨口河魚之美惟石花冰
凍天寒聚而負雙鮮載網來西東一旦登筵列左右壹齋

老人退食閒呼賓做節興非偶風信從頭數廿四盤餐到
眼勝三九明窗伸紙戲成圖滿坐傳觀驚發筍更喜黃梅
鬥新妝錯落橫斜如貫柳消寒故事例可拈點額效顰狀
殊醜底須鄉味誇魚菜賴有吟情寄杯酒圍鑪便許過殘
冬更約春深婪尾後

題黃在軒水部雪後園林畫卷

蕭騷一夜響庭柯曉起頻將凍筆呵卻憶窰臺衝雪地今
年寒較去年多

掃徑扶筇有底忙聳肩拄頰看山光似聞赫赫田公笑隔
歲先誇餅餌香

消寒分詠得金橘

越橘黃金鑄爭傳小木奴輕勻如脫彈朗潤擬垂珠質可
踰淮水名會重汴都楚萍形莫混巴荔貢還殊裂葉霜干
箇搖枝露幾株甘芬經夏熟涼味入秋腴摘許筠籠滿盛
應茗椀俱餘酸傾冷齒碎點剖圓膚製頌宜南國承恩出
內廚捧來宣口勅懷作鎮心符禪味評山谷詩情寄聖俞
瓊漿欺蔗白蜜液奪櫻朱青李空看帖寒梅並入圖欲題
三百顆飽食洞庭湖

詠時辰表

略仿璣衡製能知刻漏差居奇來古里門巧屬豪家夜夜
月輪滿朝朝斗柄斜分陰真可惜閒對八瓠花

堂花

我聞馬塍花絕技橐駝續力爭氣候先意與造化屬其法
置坳堂鑿坎窞而曲矮紙糊作櫺細竹編爲褥移花坐其
上土潤儼暑溽牛溲與馬勃雜以香湯沃三沐而三薰有
如霸才辱綽約神仙姿一旦就羈束梅竹節頗堅胡亦遭
炎酷爛漫雖自矜精神固不足乃知炫耳目力盡生機促
羯鼓爭喧闐鶴林門繁縟世人尙奇巧見罕愛彌篤鋪裝
到堂殿翻厭畫工俗那知優曇鉢瞥眼等風燭我願告司
花菽花如菽粟非時毋助長涵養泯奢欲請試逡巡酒何
如中山醪

題左田夫子武昌餞歲圖

乾隆甲辰金葉山鐸
戚象山子模合作

井西老人老詩伯手把畫圖話疇昔早歲爭傳江夏名舊

遊曾作郢中客高樓大雪夜蒼茫煖帶寒鈎送歲忙婆娑
醉影三人共拉雜離懷一卷長當時畫社誰爲友葉山

金

象山

戚

好筆手撥墨休誇江海圖

宋或仲多作江海圖扇面

搖豪直奪

藤溪叟

元金汝霖善畫自號藤溪釣叟

滿堂煖熱門盤花綠酒紅鐙笑語

譁但覺春風來似虎那知殘歲去如蛇矮紙須臾雙管落
枯腸苾角森然作活禽生卉儘情描夏箒冬鑪隨意著圖
成坐客互挪揄春磨凝資似此無準擬還家誇骨董頓教
探篋得奇觚自從嘯月南樓罷江上風濤夢魂怕重來桂
樹發中秋無復梅花餞除夜

公丁卯典試武昌

卽今聽履上星辰

揆日暮雲藻繪新不言溫室依春樹每坐寒窗憶故人崢

嶸歲月從頭數四十年來閱寒暑思鄉卻似望并州作記

還應補荆楚萬間廣廈倚雲開問字侯芭日日來重陽舊
句連番續饋歲新詩次第裁繫余十載從公熟插架琳瑯
許披讀又憑卷尾學塗雅恍向簷頭聞爆竹十刹海邊花
作田西涯橋上柳如煙底須坡老思樊口空寫煙江疊嶂
篇